

**U G O V O R O N A B A V C I R O B E - P r o t o k o l a r n i p o k l o n i
(slike, reljefni odlivi, knjige)**

zaključen između ugovornih strana:

1. UNIVERZITET U SARAJEVU, Obala Kulina bana 7/II, 71000 SARAJEVO, kojeg zastupa rektor prof. dr. Rifat Škrijelj (u daljem tekstu: Ugovorni organ), ID broj: 4200494560007

i

2. ZEMALJSKI MUZEJ BIH, ul. Zmaja od Bosne 3, 71 000 SARAJEVO, koga zastupa direktor dr. Mirsad Sijarić (u daljem tekstu: Prodavac), ID broj: 4200395820005, broj transakcijskog računa:1610000004990079 otvoren kod Raiffeisen Bank dd Bosna i Hercegovina, Sarajevo.

I. PREDMET UGOVORA

Član 1.

Predmet ovog Ugovora je nabavka robe i to: **Protokolarni pokloni/ slike, reljefni odlivi, knjige** (u daljnjem tekstu: roba), za potrebe i po zahtjevu Ugovornog organa, u skladu sa uslovima utvrđenim u Zahtjevu za dostavljanje ponude Ugovornog organa broj: 0101-3258-2/19 od 11. 14. 2019. godine (u daljnjem tekstu: Zahtjev za ponudu) i Ponudom broj: 15/16/19 od 12. 4. 2019. godine (u daljnjem tekstu: Ponuda).

Prodavac se obavezuje da u skladu sa Zahtjevom za ponudu, Ponudom i pozitivnim propisima koji uređuju predmetnu oblast, izvrši predmetnu nabavku.

Ponuda Prodavca je u prilogu i čini sastavni dio Ugovora.

II. CIJENA

Član 2.

Ukupna cijena ovog Ugovora prema specificiranim robama, količinama i ugovorenim jediničnim cijenama iznosi:

2.910,00KM bez PDV-a (slovima: dvijehiljadedevetstotinadeset KM i 00/100).

Ponudač nije u sistemu PDV-a.

Cijene robe obuhvataju sve troškove do isporuke robe na adresu krajnjeg korisnika.

Ugovorene cijene robe iz stava 1. ovog člana su fiksne i neće se mijenjati za vrijeme trajanja ovog Ugovora.

III. MJESTO ISPORUKE

Član 3.

Mjesto isporuke predmetne robe je Univerzitet u Sarajevu, Obala Kulina bana 7/II, 71000 SARAJEVO.

U slučaju da dođe do promjene mjesta isporuke u toku trajanja ugovora, Ugovorni organ će pismeno obavijestiti odabranog ponuđača o promjeni, uz napomenu da promjena mjesta isporuke ne može uticati na zaključeni ugovor.

IV. ROK I NAČIN ISPORUKE

Član 4.

Prodavac se obavezuje da će isporuku predmetne robe izvršiti u skladu sa potrebama i u terminu koji odredi Ugovorni organ.

Kao dokaz izvršene isporuke robe, Prodavac uz račun prilaže otpremnicu, koja mora biti potpisana od strane predstavnika Prodavca i Ugovornog organa.

U slučaju da Prodavac isporuči robu koja nije u skladu sa Zahtjevom za dostavljanje ponude i Ponudom, Ugovorni organ će odbiti prijem takve robe, te zahtijevati od Prodavca da u roku od 24 sata isporuči robu bez nedostataka ili da o svom trošku utvrđene nedostatke otkloni.

Ukoliko Prodavac u ostavljenom roku ne isporuči robu bez nedostataka, odnosno nedostatke ne otkloni, Ugovorni organ ima pravo da raskine ugovor i zahtijeva naknadu štete.

V. NAČIN I ROK PLAĆANJA

Član 5.

Ugovorne strane su saglasne da će Ugovorni organ izvršiti plaćanje preuzete robe u roku od (30) trideset dana od dana dostavljanja potpisane i ovjerene fakture od strane Prodavca.

Faktura se dostavlja na adresu Ugovornog organa, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Prodavca.

VI. ODGOVORNOST I OBAVEZE UGOVORNOG ORGANA

Član 6.

Ugovorni organ se obavezuje da:

- odredi Prodavcu termin za isporuku robe;
- izvrši kvalitativni i kvantitativni pregled isporučene robe, bez nedostataka;
- izvrši uredno plaćanje ispostavljene fakture u skladu sa članom 5. ovog Ugovora;

VII. ODGOVORNOST I OBAVEZE PRODAVCA

Član 7.

Prodavac se obavezuje da:

- isporuči robu prema zahtjevima Ugovornog organa, kako je definisano Ugovorom;
- izvrši sve radnje neophodne da roba bude spremna za prijem kao što su: pakovanje, otprema, prevoz, obavljanje svih neophodnih administrativnih i komercijalnih formalnosti, te prevoz i istovar do krajnje destinacije i sve druge usluge u smislu pripreme robe za prijem;
- snosi sve rizike do konačnog prijema robe na krajnjem odredištu;
- izvrši isporuku robe na mjestu i u roku određenim Ugovorom;
- kvalitetno i uredno izvrši Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku izvršenja Ugovora;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa;
- ispostavi fakturu za isporučenu robu.

III. TRAJANJE UGOVORA

Član 8.

Ovaj Ugovor se zaključuje do isporuke robe iz predmeta Ugovora.

IX. RASKID UGOVORA

Član 9.

Ugovorni organ ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz Ugovora u ugovorenom roku, a koje nisu rezultat kašnjenja preuzetih obaveza Ugovornog organa.

Ugovor može biti jednostrano raskinut dostavom pismene obavijesti drugoj ugovornoj strani 7 (sedam) dana prije raskida.

Obavijest mora sadržavati razlog raskida ugovora.

U slučaju raskida ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

X. ZAVRŠNE ODREDBE

Član 10.

U skladu sa članom 72. stav (6) Zakona o javnim nabavkama, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u izradi tenderske dokumentacije ili su bila u svojstvu člana ili stručnog lica koje je angažirala komisija za javne nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 11.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

Član 12.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Član 13.

Ovaj Ugovor stupa na snagu kada ga potpišu i ovjere ovlaštteni predstavnici ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 14.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka ugovorna strana. Svi primjerci važe kao original i imaju jednako pravno djelovanje.

ZA UGOVORNI ORGAN:

Rektor


prof. dr. Rifat Škrijelj

Broj: 0101-3258-4/19

Datum: 16. 04. 2019. godine

ZA PRODAVCA:

Direktor


dr. Mirsad Sijarić

Broj: 110-389-1119

Datum: 17. 4. 2019. godine

